

臨證醫案筆記

臨證醫案筆記目錄

第四卷

虛損

血證

吐血
咯血

瘀血
溺血

衄血
便血

舌血

汗證

咳嗽

喘促

痰飲

遺精

臨證醫案筆記卷之四

如皋吳 麓渭泉著

男 丙輝燮堂
恩照耿齋 恭校
後學曹炳章亦電校刊

虛損

明相國於嘉慶二年任將軍時統兵至夔府患驚悸怔忡食減不眠筋骨痠痛精神倦怠脉來細軟尺部沉遲由於陽衰氣弱軍務策籌過度致心脾營衛俱虛宜進歸脾湯加桂附專補心脾兼益命火服數劑其效旋用人參養榮湯加味為丸服之乃愈

參贊尚書德子脉緩大無力緣軍旅勞心竭力饑飽失時脾胃受傷邪得乘虛而入故頭痛發熱時作時止此內傷不足之證而非外感也即服補中益氣加熟附經曰勞者溫之損者溫之益溫能除大熱使補養氣復則痊

蒙古惠椿亭尚書統師過夔府患心煩恍惚古燥口渴食少不寐服清暑涼解藥而煩渴轉甚余曰脉虛浮弦數此軍務宣勤勞傷心脾虛火上燠肺金氣血虛耗所致非暑熱客症也先進生脉散加茯神棗仁石斛以清金益氣服之甚效後用歸脾湯八仙長壽丸乃瘥

相國戴蓮士遇事冗繁即頭目昏暈飲食少思倦怠異常脉遲虛緩由於國事宣勤操勞過度耗損真陰致陽虛氣弱神不守舍而然宜進加味七福飲以補五臟氣血之不足并常服

兩儀膏及參乳丸用以調元嗣伊云自常服人參以來纔覺精神完固如船拋錨恃有倚靠則人參真有回天贊化之功豈與凡草比哉

端按蔣礪堂精神日衰食減不眠驚悸健忘腸紅燥結診六脉似有若無問其平時脉象何如答曰常時俱如此但體中不適則六脉俱見余曰脉見六陰乃真陰不足營衛俱虛緣思慮勞傷心脾致脾虛不能攝血先用歸脾湯續以六味地黃丸加歸芍阿膠遠志棗仁杵柿餅為丸諸症悉瘳按彭用光曰凡人兩手清微如無脉者此純陰脉主貴是也予卅載長安陰脉雖偶見如六脉純陰惟相國一人而已

瑚和菴大冢宰神疲心跳食少易忘肢節痺痛腸紅便溲脉虛遲細乃命火不充陽氣虛寒勞倦傷脾營衛虧損而然宜用歸脾湯加熟附炮薑白芍以棗肉為丸服之自效

周蓮塘大司空脉虛沉細此命門陽衰不能生土致脾胃虛寒土虛不能制濕故食少痰多嘔惡泄瀉皆由陽虛氣弱而然當用附子理中丸加製半夏茯苓陳皮石菖蒲以薑汁打糊為丸每食後服三錢一月而愈

少宗伯溫賓坡患頭暈目眩咳嗽痰多津液少大便燥余曰脉見虛數乃真陰失守精血不足虛火上爍肺金水不能相滋宜服四陰煎去甘草加熟地貝母阿膠連服兼旬其效嗣用膏子藥以瀉虛熱而益元氣滋燥金而培三陰服兩料諸症悉瘳

高麗參

四兩熟地半觔

石斛

枇杷葉

各四兩

貝母

甜杏仁

女貞子

茯苓

地骨皮

各三兩

甜梨汁

十鍾

人乳 六鍾

右藥用甜水約十餘碗浸一宿以桑柴文武火煎取濃汁藥有未盡再用水數碗煎渣取汁並熬稍濃將乳梨汁合攪使勻用密絹濾過乃入磁罐重湯熬成膏入白蜜四兩收之以白湯點服不拘時

汪稼門制府丁丑秋引疾歸里來函云年長多病上年至今春咳嗽較舊時減輕而肝胃氣痛較舊時加劇自三四月來天氣和暖不大作痛飲食如舊而形容黃瘦氣息怯弱恐秋冬以後又將大作並寄到舊方三本余細繹查君所定方論藉知中年壯盛時陽盛陰虛心肝火旺津液不足而虛不受補是以凡方內用甘涼滋潤清補之品煎方內用疎肝利氣降火之藥當時服之應手奏效又閱在閩省時陳諸譚張四公所開各方均揣摹查君用藥之法而服之總未得愈者想係年愈七旬命火必衰五臟營衛自多虛寒蓋陽虛者多寒非謂外來之寒但陽氣不足則寒生於中故見肝胃氣痛咳嗽諸症況春天和暖不大作痛此即虛寒明證矣至咳嗽每逢三四月輕減亦是金畏水寒之象九藥當進右歸丸加人參沉香溫補元氣使陽氣漸回則真元自復矣至煎劑宜服七福飲以補五臟氣血虧損如陽虛寒滯在經氣血不能流通筋骨痛甚者必加製附子方效

陳笠颿中丞道過東流停橈就診云近來每遇事繁即虛煩頭暈眼濇耳鳴心腎不交腰膝痠軟津短口乾余曰脉虛弦數係腎水真陰不足精氣虛損神耗於心精虧於腎所致先服四陰煎及加減一陰煎疊進數劑甚效後用八仙長壽丸加人參遠志繅膠杜仲女貞子壯水滋陰以制陽光

錢裴山中丞左寸虛散右尺沉弱乃思慮太過勞傷心脾命火不充陽虛氣弱腎衰精冷之象當進七寶美髯丹合五子衍中丸去車前子加人參鹿茸肉蓯蓉遠志按證增減精氣並固補命火而不助相火壯腎水而不寒脾土常服必能救本培元而陽氣自旺矣

少司馬曹雲浦脉見虛軟右尺遲細乃陰虛陽衰五臟氣血虧損使然當服贊化血餘丹張景岳曰此藥大補氣血故能烏鬚髮壯形體其於培元贊育之功有不可盡述者

皖藩李書年年逾六旬食少嘔惡心腹脹痛腰膝筋骨常疼脉沉遲細此中氣虛寒元陽不足精血虧損所致當以附子理中湯加半夏薑汁間用六君子嘔痛頓止再以大營煎加參朮炮薑調攝乃瘥

撫軍韓芸舫上焦虛煩汗多食少不眠腰痠足軟精神倦怠余曰寸關虛數尺部沉細此腎水真陰不足命門陽衰氣弱血少精短營衛虧損宜進歸腎丸加人參鹿茸覆盆子肉蓯蓉遠志五味子陰陽並補使腎水足真火旺則神氣精血自充

皖撫吳霽峯云邇來精神甚衰每勞心力即頭目眩暈腰膝軟痛心腎不更食少不眠驚悸恍惚余診之曰脉虛弦數由於思慮過度氣血虛耗脾腎陰虧年過半百精氣漸衰之象宜進養心湯先補心血旋用補中益氣湯并大補元煎朝暮間服以峻補脾腎遂服兩月而起居眠食勝常矣

少宰廖鈺夫述內養發熱乾欬兩頰常赤津少煩渴頭目眩暈服藥不效余曰左關弦數右寸虛數而滑此陰虛血燥肺肝熾熱而然也宜用八味逍遙散加地骨皮貝母服四劑甚效更以四陰煎加阿膠女貞子服未半月諸虛頓止

端揆曹麗笙診六脉和緩而長此稟之厚壽之徵也惟右尺沉細乃命火漸衰真陽不充之象宜服右歸丸重加人參以補元陽使氣血歸於太和則精神更當康強矣聖人所謂不治已病治未病是也

亞相英煦齋云遇事煩勞及寫作用心即神志不定氣短倦怠且食少善忘多汗不眠余診之曰兩寸虛散右關遲細由於思慮過度曲運神機耗散心血以致脾肺氣血虛損不能滋養營衛故精神漸見衰弱之象也宜服加減歸脾湯並進補中益氣湯相間服之甚效後用還少丹陰陽平補而安

少司寇奎玉庭據云心如食辣痔漏流水左脇時跳動甚振衣脇上放物能自移動左臂及腿

麻木不仁頭顱昏冒牙關閉塞余曰脉虛弦數係真陰腎水不足不能滋養營衛思慮耗神肝虛血燥精髓內虧所致當投六味地黄丸加歸芍鰾膠龍骨遠志枸杞鹿膠以補心腎而鎮肝虛使真陰補養充足則百病自除矣

制府顏公雲脉虛遲細乃因勤政勞心思慮過度以致脾虛胃弱中宮營氣不和肢體困倦胸膈飽悶痰多泄瀉皆陽衰氣怯火不生土而然也宜進五福飲加熟附益智遠志石菖蒲以溫補心脾氣血之虛

尚書張壽雪患飲食不納痰多氣促小便不禁余曰脉弱沉遲是陽虛氣怯水泉不藏年衰命門無火使然宜用八味地黄丸料兼進六君子加益智當歸桂附服五劑減半十餘帖而安撫軍康蘭臯遇事繁冗即虛火上溢煩熱嘔涎驚悸不眠余診寸脉虛濡肝弦脾滑乃真陰不足思慮傷神心虛胆怯氣鬱生痰使然宜用十味溫胆湯以和胃溫胆養心遂服數劑甚效惟心脾氣血尚虛更以七福飲加茯神石菖蒲服之而安

盧南石端揆診脉虛遲細乃思慮耗神命火不充陽衰氣弱所致當用右歸丸加補骨脂人參棗仁遠志益火之原以培右腎之元陽

相國文秋潭時覺虛煩倦怠目昏耳鳴心腎不交脚軟無力大便秘結脉虛緩濡此腎虛不能上交心虛不能下濟津液短少精氣虧損使然當進六味地黄湯加人參遠志肉蓯蓉枸杞

當歸遂服兩月而愈

湯西橋農部脉弱遲細余曰壯年得此虛脉乃先天稟弱元陽不足固精血虧損亦由於命門之陽衰陰勝也宜用右歸丸重加人參蓋人參之功隨陽藥則入陽分隨陰藥則入陰分欲補命門之陽非加人參不能提效

王小村方伯神疲氣短心跳健忘遺泄陽衰腰痠脚軟脉虛沉細乃腎水真陰不足精衰血少陽氣虛損而然擬投歸腎丸加人參鹿茸補骨脂遠志以補肝腎而固精氣

沈小如廉訪管理霸州營田時述昔年為案嚴議驚恐得病及病愈而陽痿終不可療且年近四旬無子殊深悵悵余曰脉見沉遲細弱此命門火衰精氣虛冷陰損陽虧以致心脾腎傷而陽痿不舉按內經曰恐傷腎驚傷心憂思傷脾是也凡猝受驚恐者必陰縮或遺尿如陽旺之時忽有驚恐則陽道立痿皆傷腎之徵也當服養育丹加人參鹿茸兕絲以使神氣強精血固命火旺元陽充服數料後精神甚旺人道如常越二載生一子

觀察敬廉階云陰虛火動煩熱不寐目眩耳鳴大便秘結並說向來不能受峻補之劑按脉旺弦數係肝腎不足陽旺陰虛水虧火炎真陰虧損所致宜投丹溪大補陰丸用黃柏知母熟地龜板以猪脊髓和蜜丸鹽湯下四者皆滋陰補腎之藥補水即所以降火所謂壯水之主以制陽光也

同里薛吟軒授真定太守赴部足膝痠軟無力艱於起跪診脉虛沉細此命門火衰陰勝年老中氣虛寒以致血枯筋急脚弱腰痛肢節脾痛也當服右歸飲加人參當歸牛膝用虎脛骨桑枝煎湯代水盍服五劑甚效旋用右歸丸加人參補骨脂牛膝虎脛骨用狗脊桑枝熬膏為丸嗣知其常服骨健筋強精神甚旺

胡鑑漢茂才形體羸弱夢遺盜汗飲食不納發熱沉困脉浮遲濇按之極虛乃脾腎虧損中氣虛寒即以人參養榮湯連服十餘日漸見效更以補中益氣湯還少丹間服乃痊

明 夢遺盜汗虛勞咳嗽精神失守脉虛細數此脾肺腎三經不足虛損傷陰所致宜服三才湯蓋天冬以補肺生水熟地以補腎滋陰人參以補脾益氣也

彭澤明府李慶湖長郎來東流署云夏間腎囊濕痒抓傷下勢潰爛變成下疳今瘡已全好惟氣急痰喘食少泄瀉手足厥冷小便自遺視其肌肉消瘦形氣疲憊脉弱細微此過服苦寒瘡藥致脾土敗壞陽衰陰勝氣血虧竭恐有虛脫之憂法在難治勉用四味回陽飲挽回元陽服藥二十餘劑脉症稍有起色久病勞怯且無真人參非一時所能見效令其回署幸乃翁專丁接濟參桂易用六君子加薑附五味子服數帖瀉止思食更投四君子湯人參養榮湯大補元煎歸脾湯十全大補湯隨時按症增減陰陽氣血交補調攝百日元氣乃復

英竹亭夫人體瘦食少心跳不寐脾濕多痰肝旺脇脹眼花耳鳴診脉遲虛細左關獨弦此思

慮過度勞傷心脾肝虛血燥木旺乘土營衛失守陰虛陽衰之象凡年過半百真陽不足者必神疲氣怯心跳不眠四體不收故百病叢生煎藥當服六君子加歸芍遠志石菖蒲丸藥宜用歸脾丸加白芍熟地川芎炮薑常服則諸症自痊

李氏年已花甲體素羸弱筋骨腰膝常痛遭涼氣即痰嗽氣上逆則脇疼脉沉細濇係氣虛不能衛外血虧不能養筋肝鬱血燥營衛失守元陽不足使然當服十全大補湯加製附子鹿膠續斷按此症只宜溫補氣血慎勿投破氣燥藥按金匱曰虛者十補勿一瀉之此湯是也胡氏骨蒸勞熱咳嗽咽乾盜汗不寐肢體怠惰血枯月閉心神恍惚顫赤肌瘦脉弦數大此火炎水竭真陰銷鑠營衛衝任虧損所致當亟瀉其陽峻補其陰但勞損已成調治殊難速效耳

水製熟地

四兩當歸

白芍

北沙參

山藥

茯苓

地骨皮

貝母

女貞子

枇杷葉

麥冬

阿膠

各二兩

青蒿

五味子

各一兩

右藥入砂鍋內用水約兩大碗煎至一碗去渣存汁另用大鯊一個破開去血腸穢投入汁內煮乾將骨肉酥炙為末蜜丸桐子大開水送下

蔣氏心虛胆怯脇脹不寐上膈空虛左乳下驚跳惶惕按脉浮大而虛乃陰虧勞損心氣肝血

俱虛宜用七福飲加茯神白芍金匱煎湯代水以補五臟氣血虧損經曰胃之大絡名曰虛里貫膈絡肺出於左乳下其動應衣宗氣泄也又曰驚則氣亂心無所倚神無所歸慮無所定故氣亂矣

虛損諸劑

兩儀膏 治精氣太虧諸藥不應或以克伐太過耗損真陰凡虛在陽分而氣不化精者宜參朮膏若虛在陰分而精不化氣者莫妙於此

人參

半觔或四兩 熟地一觔浸熱膏

歸腎丸 治腎水真陰不足精衰血少腰痠脚軟形容憔悴遺泄陽衰等症 此左歸右歸二丸之次方也

熟地

山藥

山茱萸

茯苓

枸杞

杜仲

兔絲子

當歸

煉蜜同熟地膏為丸桐子大每服百丸飢時淡鹽湯或開水下

贊化血餘丹

血餘

熟地

枸杞

當歸

杜仲

鹿角膠

小茴香

肉苁蓉

巴戟

兔絲子

白茯苓

胡桃肉

人參

何首烏

煉蜜丸每食前滾湯送下二三錢

贊育丹

治陽痿精衰虛寒無子等症妙方

熟地

枸杞子

山茱萸

白朮

仙茅

巴戟肉

淫羊藿

當歸

韭子

蛇床子

肉蓯蓉

杜仲

附子

肉桂

煉蜜丸服

或加人參鹿茸亦妙

養心湯

黃芪

蜜炙

茯苓

茯神

當歸

川芎

半夏麴

甘草

柏子仁

去油

酸棗仁

炒

遠志

去心炒

五味子

人參

肉桂

每服五錢

七寶美髯丹

何首烏

白茯苓

牛膝

當歸

兔絲子

破故紙

枸杞

蜜丸鹽湯或酒下並忌鐵器

還少丹

熟地黃

山藥

牛膝

枸杞

山茱萸

茯苓

杜仲

遠志

五味子

楮實

小茴香

巴戟天

肉蓯蓉

石菖蒲

加棗肉蜜丸鹽湯下或酒下

十味溫胆湯

人參

遠志

棗仁

熟地

陳皮

半夏

茯苓

甘草

枳實

竹茹

加薑煎

丹溪大補陰煎 降陰火補腎水

黃柏

鹽水炒

知母

鹽水炒

熟地

酒洗蒸

龜板

酥炙黃

各六兩

為細末用猪脊髓蒸熟和煉蜜同搗為丸桐子大每服五六十丸空心薑鹽酒送下

三才湯

天冬

熟地

人參

五子衍中丸

枸杞子

兔絲子

蛇床子

覆盆子

車前子

四君子湯

六君子湯

大補元煎

右歸丸

四味回陽飲

人參養榮湯

十全大補湯

附子理中湯

六味地黃丸

八味地黃丸

八仙長壽丸

俱見中風

歸脾湯

五福飲

七福飲

俱見傷寒

四陰煎

補中益氣湯

俱見暑症

右歸飲

見汗症

大營煎

見腹痛

參乳丸

見疝氣

加減一陰煎

見咳嗽

生脉散

見瘟疫

八味逍遙散

見經脉

吐血

京卿奎芝圖弱冠時吐血發熱遺精盜汗已經半載立秋交際間變為喉痒乾瘡咳嗽吐血諸醫俱當勞瘵治之病勢日沉延予診之曰寸部浮數肝旺脾弱兩尺虛數而大此真陰不足相火熾盛火盛燔金金病則肺燥肺燥則陽絡受傷而致嗽吐血也即用四陰煎去甘草加

枇杷葉桔梗山梔先以保肺清金使火降則欬血自止服數帖甚效惟夜熱多痰津短煩渴減山梔桔梗百合加地骨皮女貞子貝母連服旬餘嗽血頓止脉亦緩勻易用一陰煎加阿膠五味子鱉膠間用八仙長壽丸以壯水補陰歸芍異功散益氣補脾調攝三月乃痊

慶工部云自幼失紅欬嗽遺精忽於醉飽後吐血不止且汗多倦怠氣急頭暈余曰形氣困憊手足逆冷六脉沉細乃陰虛於下格陽於上則真陽失守血隨而溢元氣大敗之象速用鎮陰煎使孤陽有歸則血或可漸止遂服之稍效以原方加五味子重用人參連投數劑脉旺氣平血減更以十全大補湯及大補元煎俱加溫補獲愈按此症若非病人信任之專服藥不怠未有得生者也

杜侍御嘔血成碗面白息微脉沉細弱此胃氣大敗脾腎陽虛不能攝血以致逼血妄行亟用理中湯能止傷胃吐血以其溫中又能分理陰陽安和胃氣若投寒涼陰藥是速其危矣

道長吳霽峯長媳袁氏患吐血痰嗽愈後緣食瓜果膩物復吐鮮血甚多余視其形體消瘦飲食不納吐血氣急右脉虛軟乃脾肺氣虛火不生土之候即用四君子加炮薑熟附五味子苡仁尚可見效詎其母家畏服溫補另延醫者以四物知柏苓連致土敗腹瀉而歿

阿筆帖十五歲完姻後發熱吐血舌燥喉痛頭暈目眩形體羸弱脉虛弦數皆由知識太早腎水真陰虧損勞傷肺腎相火易動火盛而逼血上行也宜用六味地黃湯加麥冬茜根白茅

根側柏葉壯水以制火其血可漸止

中翰袁和齋患失紅經年每發時斯夕往視旋治旋愈迨庚午夏忽然狂吐先以清熱涼血繼以滋陰固溢血咳雖止而飲食日減精神日衰余曰氣脫形脫且脉微細無神當此盛夏之時而見秋冬之脉恐交節氣可憂况氣為血配血脫者益其氣陰藥非宜當用異功散及歸脾湯詎病者畏服參芪將交秋令雖不咳嗽吐紅而骨瘦如柴氣血敗壞勉用人參三分下咽後即虛火上炎煩渴異常余云人參甘平金玉之品何僅服三分為害竟如此隔數日又用人參三分山藥錢半茯苓錢半炙草三分橘紅五分歸芍各一錢煎成面服而煩躁如前後遂止藥日漸乾瘦枯涸延交冬至而歿古云失血諸症不能服氣分藥終難成功所謂勞疾吐紅服寒涼藥百無一生信不誣矣

河帥黎湛溪任南昌縣時患吐血症治俱無效余奉差贛郡伊飛札相招比至省視其狂吐更甚飲食不進精神困憊余曰質體不足證候雖重喜其六脉不數惟左寸濇而細右關大而軟此用心太過思慮勞傷心脾也即用歸脾湯重用人參加炮薑五味子遂服十帖症減過半兼以六味地黃丸大補元煎間進歸芍六君子加炮薑服藥四十劑血止而飲食起居如常

銓君保九真年及五旬素患失血緣掌選事繁起早用心太過驟然狂吐不止日晡煩熱飲食